



სსიპ ლ. საყვარელიძის სახელობის დაავადებათა კონტროლისა და საზოგადოებრივი  
ჯანმრთელობის ეროვნული ცენტრის გენერალური დირექტორის  
**ბრძანება № MOH 7 22 00000003**

ქ. თბილისი

13/06/2022 წელი



### **მაიმუნის ყვავილის შესაძლო გავრცელების და აღკვეთის დროს გასატარებელი ღონისძიებების შესახებ**

„საჯარო სამართლის იურიდიული პირის - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის დებულების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 28 მარტის #107/ნ ბრძანებით დამტკიცებული დებულების მე-5 მუხლის, მე-3 პუნქტის, „გ“ ქვეპუნქტის საფუძველზე,

#### **ვ ბ რ ძ ა ნ ე ბ:**

1. დამტკიცდეს, მაიმუნის ყვავილის შესაძლო გავრცელების და აღკვეთის დროს გასატარებელი ღონისძიებები თანდართული დანართების შესაბამისად:

ა) მაიმუნის ყვავილის ინფექციის პრევენცია და კონტროლი (დროებითი რეკომენდაციები) - **დანართი #1;**

ბ) მაიმუნის ყვავილის შემთხვევის განსაზღვრება (არა-ენდემური ქვეყნისთვის, დროებითი) - **დანართი #2;**

გ) მაიმუნის ყვავილის შემთხვევის კვლევის კითხვარი (დროებითი v1) - **დანართი #3;**

დ) კონტაქტების მიდევნების სახელმძღვანელო (დროებითი) - **დანართი #4;**

ე) მაიმუნის ყვავილით ინფიცირებული პაციენტების სამედიცინო დაწესებულებიდან გაწერის და იზოლაციის მოხსნის მითითებები და კრიტერიუმები (დროებითი) საზოგადოებრივი ჯანმრთელობის მიზნებისათვის - **დანართი #5.**

2. დაევალოს, გადამდებ დაავადებათა დეპარტამენტს ( ბ. ზახაშვილი) უზრუნველყოს ამ ბრძანებით დამტკიცებული დანართების დაყვანა შესაბამის სტრუქტურულ ერთეულებამდე, მათ შორის მუნიციპალური საზოგადოებრივი ჯანდაცვის სამსახურებამდე.

3. დაევალოს, ცენტრის იურიდიულ სამმართველოს (ლ. ებანოძე) უზრუნველყოს ამ ბრძანების განთავსება ცენტრის ოფიციალურ ვებ-გვერდზე – [www.ncdc.ge](http://www.ncdc.ge).

4. ბრძანება ძალაშია ხელმოწერისთანავე.

5. ეს ბრძანება შეიძლება გასაჩივრდეს ქ. თბილისის სასამართლოს ადმინისტრაციულ საქმეთა კოლეგიაში (მის. ქ. თბილისი, დ. აღმაშენებლის ხეივანი მე-12 კილომეტრი) ერთი თვის ვადაში.

გენერალური დირექტორი  
ამირან გამყრელიძე

ხელმოწერილია/  
შტამპდასმულია  
ელექტრონულად

